

# Rapport annual 2020

PUNTREIS Center da sanadad SA – 7180 Disentis/Mustér







# CUNTEGN

Cuntegn .....	2
Rapport dil president dil Cussegl da Fundaziun .....	3
Rapport dil president dil Cussegl d'administraziun PUNTREIS Center da sanadad SA .....	5
Rapport dil meinafatschenta .....	7
Rapport dil menader economia/tecnica .....	8
Organs responsabels per ils 31-12-2020 .....	10
Persunal.....	11
Cussadentas e cussadents .....	12
Defunctas e defuncts .....	13
Engraziament.....	14
Persunas da contact.....	15
Adressa da contact.....	15





# RAPPORT DIL PRESIDENT DIL CUSSEGL DA FUNDAZIUN



Igl onn 2020 ei staus fetg interessants e nus vein astgau serrar giu differents projects.

La ierta a Sontget havein nus saviu serrar giu. La parcella ei vegnida spartida, la mesadad alla Pleiv S. Gions e tshella alla vischnaunca che era a sias uras la persuna giuridica dalla Casa S. Gions. La vischnaunca ha suenter regalau sia part dalla parcella alla fundaziun PUNTREIS. Cunquei che differents projects ein aunc sin rucca, vein nus buca cumprau la part offerida dalla Pleiv.

Muort ina intervenziun giuridica ei la lubietscha da baghegiar dil Carillon denter il parcadi e l'entrada dalla PUNTREIS vegnida abolida. Ina nova lubientscha da baghegiar ei mo vegnida acceptada pli lunsch naven dil liug actual. Il niev

liug levgescha era il svilup dalla PUNTREIS. Ina tabla d'informaziun ed ina culs sponsurs concluda quella lavur.

Cul niev concept dall'Ambulanza ei mo pli in team a Glion ed in team a Mustér. Sin igl emprem da matg eis ei buca stau pusseivel da realisar ina garascha scaldada cun l'altezia duvrada. Sco igl ei semussau havess ei duvrau duas garaschas che vessen caschunau gronds cuosts per quei provisoris. Cun las localitads ella PUNTREIS e garaschas provisoricas ella vischinonza han ins saviu schligiar il problem dallas localitads.

Cun la SA havein nus rimnau ideas co la PUNTREIS savess sesviluppar vinavon per vegnir in subcenter dalla Cadi. Duront in di da strategia ils 20 da zercladur vein nus saviu sviluppar en lavurs da gruppa tgi che fussen pusseivels partenaris el futur. Igl ei semussau ch'il basegns d'ina pratica comunabla (infrastructura ella PUNTREIS) ei semidaus cunquei ch'in miedi ha anflau dus successurs che meinan sia pratica sco pratica comunabla e la vischnaunca da Tujetsch less mantener la pratica a Sedrun. Cun bia uras da presenza, survetsch regional ed ina apoteca el vitg vegn ei denton buca sempel da cumpensar ils miedis che vegnan proximamein pensionai.

Cun in credit da frs. 10'000.- ha la fundaziun PUNTREIS alla fin digl onn dau l'incarica da schar calcular ils cuosts per meters cubic d'ina pussevla annexa silla reserva da baghegiar dalla fundaziun PUNTREIS.

Duront igl onn 2020 ha la fundaziun PUNTREIS survegniu ina gronda ierta. Cun ina tala entrada nunspitgada less la fundaziun PUNTREIS promover il svilup dalla PUNTREIS ed aschia era optimar las purschidas dils cussadents. Cunquei che biars parcadis massen cun ina annexa vid il



baghetg a piarder, less la fundaziun PUNTREIS cumprar ils 13 parcadis sutterrans el baghetg dalla PUNTREIS. Quella cumpra ei vegnida acceptada dil Cussegl da vischnaunca il december aschia che la cumpra sa haver liug,

La fundaziun PUNTREIS ha retschiert sco regal digl artist local Linus Flepp ina via dalla crusch reducida sin siat maletgs che completescha la caplutta cun art modern.

Pintgas e pli grondas reparaturas vid il baghetg engrevieschan il conto dalla fundaziun PUNTREIS. Aschia havein nus stuiu reparar il plantschium dalla stanza freida. Plinavon fa il plantschium da stgein difficultads perquei ch'el ei bia memia loms. Differentas variantas per sligiar il problem senza disturbar il menaschi vegnan examinadas.

Dil cussegl dalla fundaziun ha abdicau Beat Röschlin. (Tujetsch)

Niev sco representant da Tujetsch ei Gian-Reto Nufer (Tujetsch) vegnius elegius.

Dil cussegl dalla fundaziun ein Marlis Venzin-Spescha (Medel), Claudia Pally-Lutz (Medel), Peter Hüsey (Tujetsch) vicepresidente, Mario Flepp (Mustér) e Christoph Berger (Mustér) president, vegni reelegi.

In grond engraziament a tuttas personas per lur engaschi en favur dalla PUNTREIS!

Naturalmein ei nies buordi finanziel aunc adina relativ gronds. Cun ina casa fetg bein occupada eis ei stau pusseivel alla PUNTREIS SA dad augmentar la liquiditad sur la summa necessaria. Aschia eis ei stau pusseivel da dar l'emprema gada ina pli gronda dividenda alla fundaziun PUNTREIS.

Cun la buna occupaziun dalla casa savein nus mintg'onn era far las amortisaziuns necessarias. Las expensas vegnan cun la vegliadetgna dalla casa probablamein a crescer ils proxims onns considerablamein.

Nus stuein bein ponderar nossas decisiuns el futur ed anflar la pesentincla denter investir el futur, reducir ils deivets ed il manteniment dalla casa PUNTREIS. Fetg impurtont ein cheu las decisiuns dil cantun che pertuccan il menaschi el futur dad haver purschidas che portan sesezzas.

Alla fin lessel engraziar allas cussadentas e cussadents, a tut il persunal sut la direcziun da nies capavel meinafatschenta Diego Deplazes e lu era al Cussegl d'administraziun PUNTREIS Center da sanadad SA sut il presidi dad André Schmid, sco era allas commembras ed als commembers dalla Fundaziun PUNTREIS.

Suenter 5 onns, ha nies meinafatschenta Diego Deplazes informau nus il november ch'el banduni la PUNTREIS ed entscheivi sia nova piazza tier la Lia Rumantscha. Nus giavischein ad el bia cletg ed in bien maun.

Mustér, ils 24 da mars 2021

Christoph Berger

president dil Cussegl da Fundaziun PUNTREIS



**PUNTREIS**  
CENTER DA SANADAD

... FA LA PUNT  
DENTER LAVUR  
E FAMILIA

7180 Disentis/Mustér • Tel. 081 929 56 56 • [www.puntreis.ch](http://www.puntreis.ch)

# RAPPORT DIL PRESIDENT DIL CUSSEGL D'ADMINISTRAZIUN PUNTREIS CENTER DA SANADAD SA

Cun igl onn 2020 terminescha il cussegl d'administraziun la perioda d'uffeci 2018-2020. Ils commembers dil cussegl d'administraziun Gebharda Berther, Jris Lombris, Arnold Flepp, Giusep Flepp, Livio Zanetti ed André Schmid ein s'engaschai ils davos 3 onns pil beinstar dalla instituziun PUNTREIS, cunzun per nossas cussadentas e nos cussadents e per nossas employadas e nos employai.

Nossa instituziun san ins cumparegliar bein cun ina roda da dents. Mo sche mintga dent ademplescha siu pensum e funcziunescha pil beinstar collectiv, reussescha ei all'instituziun da porscher in survetsch cumplein ella tgira per nos clients. Nos survetschs ein puspei stai dumandai, aschia che nus savein mirar anavos sin ina occupaziun dils letgs optimala e cheutras havein nus saviu terminar igl onn da fatschenta cun in fetg bien resultat finanziel.

El center digl onn da fatschenta 2020 ei segiramein la situaziun cun il coronavirus stada. Dapi il mars 2020 ei l'entira societad confruntada cun la pandemia, la quala ins emprova da cassar sin differents secturs. Era nossa instituziun ei stada confruntada cun differentas restricziuns.

Per grond temps han nossas cussadentas e nos cussadents stuiu vegnir isolai. Quei temps malguess senza grondas perspectivas per ina migliur han procurau per gronda tristezza. Aschi bein sco pusseivel han ins tuttina empruau da mantener certas structuras dil di per saver levgiar a nossas cussadentas e nos cussadents il mintgadi. La pli gronda sfida ei stada d'evitar ch'il coronavirus sederasi en nossa casa e pericliteschi aschia la sanadad. Grazia al nunstunclenteivel engaschi da nossas employadas e nos employai e la gronda precauziun da tuts cun setener vid tuttas restricziuns duront e sper il temps da lavur essan nus tochen il di dad oz stai schanegiai d'infecziuns. Nus havein pretendiu da tuts, seigi quei dils cussadents, dils employai ni era dils tierparents gronda disciplina e dabia sacrificis. En num dil cussegl d'administraziun lessel jeu engraziar a tuts cumpigliai che han purtau nossas ed era las decisiuns dalla direcziun ed aschia gidau a surmuntar ina situaziun extraordinaria. Lein sperar ch'ei reusseschi egl onn 2021 da sedustar encunter quei virus malign, aschia che nus savein puspei returnar alla normalitad cun sesarver era anoviar.





Il davos dus onns essan nus stai confruntai cun entginas mutaziuns tier la direcziun. Suenter la midada tier il menader dalla tecnica Bernard Tuor, il cuschinier Fatmir Spescha havein nus era stuiu tschercar ina persuna responsabla per la tgira. Cun igl 1. da december 2020 ei dunna Silvia Berther entrada ed ha surpriu la responsabladad per la partiziun da tgira. Daniev secumpona l'entira direcziun da personas da lieunga romontscha. La comunicaziun ei in impurtont mied da menar. Plinavon apprezzieschan nos cussadents da saver comunicar en lur lungatg mumma.

Alla fin s'audi d'engraziar a tut ils cumpigliai per lur engaschai. Nies versau e zun premurau meinacasa Diego Deplazes meina la casa cun bien inschign e grond engaschi per nossa cumpleina cuntentientscha. Sias grondas fermezias da menar ein stadas dumandadas dublamein entras la situaziun cun il coronavirus.

Il cader sco era mintga collaboratura e collaboratur s'engaschan mintgadi per il beinstar da nos cussadents. In grond e resentiu engraziament persuenter. Sco davos lessel era engraziar als commembers dalla fundaziun cun lur president Christoph Berger sco era als collegas dil cussegl d'administraziun per la fritgeivla collaboraziun.

Era egl onn niev vegnin nus a s'engaschar cun tutta forza pil beinstar da nossa instituziun **PUNTREIS**.

Mustér, ils 22 da mars 2021

André Schmid  
president dil Cussegl d'administraziun  
PUNTREIS Center da sanadad SA



**PUNTREIS**  
CENTER DA SANADAD

... INA BUNA  
PUNT PER TIA  
CARRIERA

7180 Disentis/Mustér • Tel. 081 929 56 56 • [www.puntreis.ch](http://www.puntreis.ch)



**PUNTREIS**  
USTRIA

... FA LA PUNT  
DENTER MODERN  
E TRADIZIUNAL

7180 Disentis/Mustér • Tel. 081 929 56 56 • [www.puntreis.ch](http://www.puntreis.ch)

# RAPPORT DIL MEINAFATSCHENTA

Igl onn da menaschi 2020 ei stau in onn turbulent per igl entir mund, per gl'entir sector da sanadad ed era per nossa instituziun. Il virus da corona ha accumpignau nus naven dall'entschatta mars entochen la fin digl onn e vegn a fatschentar nus aunc egl onn 2021. Nus tuts havein stuiu emprender da viver cun quella nova realitad e s'adattar alla situaziun. Las cussadentas ed ils cussadents han stuiu acceptar las restricziuns e directivas ch'ei per part semidadas da meins tier meins, da jamna tier jamna e mintgaton schizun da di tier di. Il contact cun ils tierparents ed enconuschents ei vegnius restrenschius e duront l'emprema unda ei quei iu aschi lunsch entochen tier in scamond total da viseta. Nus havein possibilitau il contact tier ils cars entras mieds tecnicos ed ina «boxa da viseta».

Era nies persunal ha stuiu acceptar mesiras da schurmetg severas. Purtar la mascrina e tener distanza han udiu tier il mintgadi e quei per varga 9 meins.

La PUNTREIS Center da sanadad ha denton giu cletg e saviu tener quei virus malign ordeifer l'instituziun. Legreivlamein havein nus giu negins cass, ni tier las cussadentas e cussadents ni tier il persunal. Cheu less ed astgel jeu far in grond compliment a nies persunal denton era allas cussadentas ed als cussadents sco era als tierparents che han acceptau las reglas ed ein seteni fetg bein vid las directivas e las restricziuns.

Cun la vaccinaziun che ha giu liug l'entschatta 2021 sperein nus da saver turnar plaun plaunet tier ina «normalitad» ed aschia puspei possibilitar bialas sentupadas, sentupadas ch'ei aschi impurtontas per nus humans.

Igl onn 2020 havein nus giu 26 entradas e 24 extradadas; da quei ein 7 persunas returnadas a

casa, 2 persunas han midau instituziun e 15 cussadentas e cussadents ein morts.

Igl onn 2020 havein nus giu 10 persunas en scolaziun. Per la fin da 2020 luvravan 88 colluvreras e colluvrers tier nus, repartiun sin 62.55% plazzas cumpleinas.

Cun ina occupaziun da 100.8% e 20'053 dis da tgira essan nus fetg satisfatgs e cuntents. Grazia a quella situaziun legreivla savein nus presentar in quen positiv cun in resultat fetg legreivel. En quei connex astgan ins denton buca emblidar il grond impegn a liung temps da rodond 9.5 milliuns ed ord quei motiv eis ei indispensabel da far las reservas finanzialas era per igl avegnir.

Jeu engraziel grondamein a nossas cussadentas e nos cussadents cun lur tierparents per la confidanza demussada. Medemamein engraziel jeu a tuttas colluvreras e tuts colluvrers per lur nunstunclenteivel engaschi, specialmein era duront quei onn cun in surpli da lavur, tensiun e malsegirtad.

Al Cussegl da fundaziun, al Cussegl d'administraziun ed alla direcziun engraziel jeu per il bien sustegn, la confidanza e l'excellenta collaboraziun. Gia oz giavischel jeu alla PUNTREIS Center da sanadad in bien prosperar per il futur ed a tut ils cumpigliai in bien maun e bia satisfacziun en quella biala ed impurtonta incumbensa.

Mustér, ils 7 da schaner 2021


Diego Deplazes

Meinafatschenta

PUNTREIS Center da sanadad SA  
e Fundaziun PUNTREIS



# RAPPORT DIL MENADER ECONOMIA/TECNICA



Sco menader dalla partiziun tecnica ed economia sun jeu prest 3 onns ella PUNTREIS Center da sanadad a Mustér.

Sche jeu mirel oz anavos tgei patratgs che hai giu fatg, cura che sun s'annunziaus per quella piazza, stossel dir oz che havevel buca spitgau cun ina lavur aschi complexa e multifara. Jeu erel s'endisau che mia lavur era structurada e pil pli organisada naven dalla damaun entochen la sera. Ussa sai jeu secapescha era organisar mia lavur, la sera hai jeu denton fatg tut enzatgei auter che planisau. Buca che quei fussi enzatgei negativ. Stat sut il motto «ei dat adina enzatgei da far».

Las lavurs ein fetg variontas, interessantas e mintgina damonda suenter savida, flexibilitad ni sa vegnir exequida mo cun agid extern.

In bien agid hai jeu era cun miu gidonter Maik Bisquolm. Jeu engraziel ad el grondamein per sia lavur e siu sustegn.

Bugen numnel jeu entginas lavurs ch'ei vegnidas exequidas il davos onn.

Ei dat era adina lavurs che serepetan e ston adina puspei vegnir controlladas.

- lingias d'aua che piardan ni ch'ei stuppadas
- scaldament da plantschiu che piarda aua e daguota en l'alzada giusut
- ascensur che ha in defect e drova in tecnicist (bugen sonda ni dumengia)
- maschinas tecnicas da medischina che funcziunan buca endretg
- letgs, suppias da rodas ni rollaturs cun defects
- sondascha atras plantschius per indrez da climatisaziun en stanzas da tgira
- niev indrez da telefon en casa
- schubergiar e colurar stanzas cura ch'ei dat midadas
- segar, zerclar, tener schuber entuorn casa ed igl unviern la rumida da neiv
- lavurs da biro cun rapports, controllas, empustaziuns, terminar lavurs, e.a.v.

Ina gronda sfida ei secapescha la pandemia mundiala da Covid-19 e lur consequenzas stada.



Quei ha giu per nus tuts en casa consequenzas pertuccont la segirtad da nossas cussadentas e nos cussadents.

Ei dat secapescha aunc in triep auters pensums. Jeu sai ni astgel buca exequir tuttas reparaturas en casa. Sinaquei che sun buca electricist, astgel jeu per exempel buca far pli grondas reparaturas ni montaschas vid installaziuns electricas. Controllas annualas ni lavurs da service vid maschinas tecnicas essan nus era obligai da schar exequir firmas externas. Era dat ei leschas e perscripziuns partenend segirtad e higiena el sector da tgira che ston vegnir respectadas ed ademplidas ed aschia controlladas extern. Dasperas sun jeu aunc responsabels per la segirtad entuorn ed en casa. Cheu hai num ir entuorn cun egls aviarts. Quei succeda adina tut pil manteniment dalla casa PUNTREIS e pil beinstar e la segirtad da nossas cussadentas e cussadents.

In'otra sparta che jeu hai aunc da tgamunar ei la gruppa d'economia. Quei ei il team che schubregia e mira ch'ei seigi adina dapertut schuber e bi. Quella partiziun ei fetg impurtonta en la casa PUNTREIS. Senza quei survetsch havessen nossas cussadentas e nos cussadents buca schuber en lur combras ed era en las stanzas nua ch'els setegnan si di per di. En quella

gruppa hai jeu in bien agid e sustegn da Monica Flepp - ad ella in grond engraziament per tut sia lavur. Buca emblidar less jeu igl entir team che schubregia per tut lur buna lavur che vegn prestada. In bien engraziament persunter. En quella partiziun s'auda secapescha era il persunal dalla linscharia. Era quei team presta ina impurtonta lavur en casa. Ei vegn lavau, fatg ora cul fier ed era cuntschau ed aunc bia auter che vegn duvrau en casa per nossas cussadentas e nos cussadents. Sin giavisch vegn era fatg da quellas lavurs per clientella externa. En quei team hai jeu in grond agid da Maria Capaul. Ad ella e siu team in grond engraziel per tut quei ch'ellas prestan.

Sco finiziun vi jeu engraziar a tut quels che haiel aunc buca menziunau en miu rapport per la buna ed emperneivla collaboraziun - nies meinafatschenta Diego Deplazes, igl entir cader, tut il persunal da tgira, il team dalla gastronomia, l'administraziun, persunas che fan activitads e tut quels che jeu hai emblidau.

Mustér, ils 3 da mars 2021

Bernard Tuor  
menader tecnica/economia  
PUNTREIS Center da sanadad SA





# ORGANS RESPONSABELS PER ILS 31-12-2020

## Cussegl da fundaziun

### PUNTREIS



Christoph Berger president  
Peter Huessy vicepresident  
Mario Flepp  
Gian-Reto Nufer  
Claudia Pally-Lutz  
Marlis Venzin-Spescha

## Cussegl d'administraziun

### PUNTREIS Center da sanadad SA



André Schmid president  
Clau Giusep Flepp vicepresident  
Gebharda Berther-Berther  
Arnold Flepp  
Jris Lombris-Manetsch  
Livio Zanetti

## Post da revisiun

RRT AG Treuhand & Revision, Chur

## Direcziun

### PUNTREIS Center da sanadad SA

Diego Deplazes meinafatschenta  
Silvia Berther menadra partiziun tgira ed accumpignament  
Fatmir Spescha menader partiziun gastronomia  
Bernard Tuor menader partiziun tecnica ed economia  
Nicole Candinas meinagrappa tgira 1  
Daniel Prediscan substitut menader da tgira e meinagrappa tgira 2 e da notg  
Christina Lombriser meinagrappa tgira 3  
Monica Flepp meinagrappa schubergiar  
Maria Capaul meinagrappa linscharia



# PERSUNAL

## Pensiunament ni pensiunament anticipau

Negin pensiunament ni pensiunament anticipau duront igl onn 2020.

## Giubileums da lavur

### 25 onns

Silvana Huonder colluvrera ella tgira

### 20 onns

Tresa Schuoler colluvrera ella tgira

### 10 onns

Renata Giger colluvrera ella tgira

Michèle Bundi colluvrera ella tgira

Nus admettein a tuttas giubilaras in sincer engraziament per il grond engaschi duront tut quels onns e selegrein vinavon sin ina buna ed emperneivla collaboraziun.

## Scolaziuns terminadas per ils 31-12-2020

### emplojada specialisada da sanadad FaGe

Petra Fry


Mariana Brändle

### emplojada specialisada per la structura dil di ed activad

Priska Boner




## Occupaziun da lavur per ils 31-12-2020



## Plazzas cumpleinas per ils 31-12-2020


tgira	44.55 plazzas cumpleinas
gastronomia	7.45 plazzas cumpleinas
economia	6.25 plazzas cumpleinas
survetsch tecnic	1.50 plazzas cumpleinas
administraziun	2.80 plazzas cumpleinas
<b>Total</b>	<b>62.55 plazzas cumpleinas</b>






# CUSSADENTAS E CUSSADENTS


Derivonza dallas cussadentas e dils cussadents per ils 31-12-2020




Structura da vegliadetgna 2017 - 2020



Occupaziun dalla instituziun 2017 - 2020



Dis d'occupaziun 2017 - 2020 tenor scalem da tgira





## DEFUNCTAS E DEFUNCTS

Albin Ottilia

Manetsch-Thomann Catharina

Cao Valentin

Monn Giusep

Casanova-Jacommet Martin-Giusep

Monn Guido

Deflorin Martha

Monn-Foppa Rosa

Huonder-Tenner Giuliana

Schnoz Lucas

Maissen Maria Luzia

Schnoz-Gerig Gertrud

Maissen-Manetsch Johanna

Wetter-Jacommet Ursulina

Manetsch-Spescha Anna

Nossas caras defunctas e nos cars defuncts ruaussien en paisch. Nus lein salvar els en buna memoria.



# ENGRAZIAMENT

Era igl onn 2020 ein nossas cussadentas e nos cussadents stai el center da nies agir e cun il virus da corona ha quei priu en ina dimensiun tut speciala. Tier nies entir agir ei il patratg dil schurmetg adina staus el center ed ha pretendiu da nus tuts e surtut dil persunal bia perseveronza ed in enorm engaschi.

Jeu admittel in grond engraziament pil sustegn e per la buna collaboraziun

- allas caras cussadentas ed als cars cussadents cun lur confamiliars
- al Cussegl da fundaziun PUNTREIS
- al Cussegl d'administraziun PUNTREIS Center da sanadad SA
- a tut nossas colluvreras e nos colluvrers cun lur responsabels
- a nos miedis dr. Marcus Huonder, dr. Andreas Fischbacher, dr. Thomas Lechmann, dr. Stephan Schönle, dr. Eirini Karyda e dr. Petra Tuor cun lur teams per il sustegn medicinal
- alla apoteca Desertina cun Simona Simonet
- als spirituals sur Mathew K., sur Mathew C., sur Alexi, cun las biaras gidontras ed als

fraters Franz, Thierry e Murezi per igl accumpignament e sustegn pastoral

- alla frisunza Rahel Bisquolm, alla pedicura Marlis Oertli-Levy ed a nos acustichers per lur purschidas
- a nossas gidontras e nos gidonters voluntaris per il sustegn ellas activitads dil mintgadi
- a nos musicists per la recreaziun
- allas scolas ed allas uniuns per las bialas producziuns e lur engaschi en favur dalla PUNTREIS
- al biro Solida Treuhand per il support el sector dallas finanzas
- al Spital regional Surselva, alla Pro Senectute Surselva sco era ad alzheimer grischun
- alla fatschenta Ignaz Furger pil sustegn ed agid en cass da mortoris e per ils transports
- als manischunzs dil taxi dalla crusch cotschna per ils transports
- a nos partenaris dallas casas da tgira Casa s. Martin a Trun e da casa val lumnezia a Vella
- a tut tgi che ha fatg dil bien a nossas cussadentas e nos cussadents duront igl onn ora





# PERSUNAS DA CONTACT



**Christoph Berger**

President

Cussegl da fundaziun

079 429 92 21

berger73@gmx.ch



**André Schmid**

President

Cussegl d'administraziun

079 304 53 53

a.schmid@conversa.gr



**Diego Deplazes**

Meinafatschenta

081 929 56 56

ddeplazes@puntreis.ch



# ADRESSA DA CONTACT

PUNTREIS Center da sanadad SA

Via Cons 11

7180 Disentis/Mustér



081 929 56 56



[info@puntreis.ch](mailto:info@puntreis.ch)



[www.puntreis.ch](http://www.puntreis.ch)



[www.facebook.com/Puntreis](https://www.facebook.com/Puntreis)



[www.instagram.com/puntreis/](https://www.instagram.com/puntreis/)

